

Parlamento:

AVP-OLA a hala aden mocion contra proyecto di aeropuerto

ORANJESTAD(AAN) Den un reunion di parlamento dia 15 di juni ultimo, fraccion di

OLA y AVP a hala aden e mocion cu a ser pasa riba 5 di maart 1998 riba e proyecto di

Aeropuerto y re emplaza esaki pa e mocion pasa riba 15 di juni ultimo.

E mocion nobo tin como contenido e siguiente punto: - E carta fecha 10 di juni 1998 di ministro di Transporte Comunicacion y Utilidadnan relaciona cu e proyecto di aeropuerto; - e proyectonan substancial den sentido organisatorio operacional y di construccion di e proyecto di renobacion y extension di nos aeropuerto; e re evaluacion di informacionnan ricibi den pasado y adic-

mento ta desea di re emplaza y substitui e mocion tuma den reunion di parlamento di dia 5 di maart 1998 cu un mocion nobo;

TA DICIDI; 1. Di re emplaza y substitui e mocion tuma den reunion di parlamento di dia 5 di maart 1998 door di e mocion aki.

2. Di encarga e ehecucion y

control di e proyecto pa renobacion y expansion di nos aeropuerto na e Hunta di Comisario di acuerdo cu nan responsabilidnan manera stipula den e Statuutnan di Aruba Airport Authority N.V.

E mocion aki di AVP/OLA a ser firma pa 11 miembro di parlamento.

Karate Jan lo a bira raso

ORANJESTAD(AAN) Informacionnan cu redaccion di DIARIO a haya ayera, tabata muestra den e direccion cu Karate Jan lo a bira raso ayera ora cu a sali publica cu Hulandesnan Europeo ta adverti nan paisanonan y pueblo di Aruba pa e Karate Jan.

Jan lo a hincha y rabia formal y te hasta lo a bay asina leu di menaza cierto hendenan cu e lo bay regla cuenta cu nan haciendo uzo di Sicarianan Colombiano.

Esnan cu a haya menaza no por a bay entrega keho na polis pasobra si Fiscal mes a bisa cu e no por haci nada o no kier haci nada, anto ta kico nan tin di bay haci cerca polis pa entrega keho di menaza?

Den esaki nan tin razon pasobra te awe dos trahado di DIARIO ta wardando riba recherche pa bay firma e procesverbal oficial di dos aña pasa cu polis lo mester a traha contra Ab van Eijden di Koetshuys, kende dilanti di dos polis uniforma y dilanti di dos controleur di WEB a menaza personal di DIARIO cu morto ora cu Van Eijden a ser gara ta horta awa di hende.

Caso Lago Heights..

NA E MOMENTONAN

AKI TIN TRES

DETENIDO CU A CAY

ORANJESTAD (AAN): Manera cu tabata di spera, Departamento di Droga bao guia di Fiscal a tene un razzia. E razzia aki a tuma lugar durante cu mayoria di hende tabata sinta dilanti pantaya di TV ta sigui e partido entre Brasil y Maroco.

A keda deteni e homber precedente di Aruba inicial A.L. mientras tambe e muher Colombiano C.B.V. y e homber Bulgaro B.P.

E trio awe lo tin cu presenta cerca fiscal pa prolonga nan detencion relaciona cu e investigacion. No ta exclui e posibilidad cu lo tin mas detencionnan lo por cay.

Compay di Koetshuys tabata bon brother cu Zwinkels y awor mester bay sinta warda pa wak si Karate Jan tambe tin bon brother den Ministerio Publico, cu e tambe por menaza ken cu e ta haya ta bon sin cu autoridadnan ta actua.

Ayera lectionan tabata puntra kico DOOV ta bay haci cu Karate Jan, si nan ta bay controla e compay aki su permitnan y si e no tin permit, si nan ta bay pone riba avion rumbo pa Hulanda despues cu pone paga tur loke e debe?

Ta di spera cu e biaha aki Shon Henny no core duna orden pa laga Jan bay manera cu el a haci cu e compay cu a bay persigui personal di Talk off The Town y kende despues a bay traha pa shon Henny y te awe gobierno tin man poni riba su cabez.

cional adkiri ultimamente; cu e desaroyo turistico y economico ta exige pa renoba y expande nos aeropuerto internacional; cu e desaroyo economico di nos pais ta exige pa e proyecto keda pagable pa nos comunidad unda e factibilidad financiero / economico di dicho proyecto ta garantiza su realizacion; cu parlamento di Aruba ta sostene y apoya e proyecto di renobacion y expansion di nos aeropuerto; cu parla-

PA MOTIBO DI "BISTI SEXY" UN SEÑORA A WORDE MALTRATA

ORANJESTAD (AAN): Den oranan laat di anochi, a drenta informe cu na Juana Morto Complex un homber a maltrata un señora. Patruxa a worde dirigi na e lugar indica y a papia cu e señora inicial W.H.

Segun e version Policial e señora a declara, cu e homber di inicial I.T. a dale y ademá a destrui waya di telefoon. Esaki no tabata tur segun e señora a splica, e homber a kibra cantidad di glas tambe.

Henter e bululu a ki a tuma lugar pa motibo cu e señora lo a sali bay tira sushi pafor aparentemente bisti "demasiado sexy". Esaki a cuasa iritacion cerca e homber, pa cual el a reclama e señora riba su forma di bisti.

Segun e señora, e ta kere cu e homber mester tabata bao influencia di substancia. E homber I.T. mes no tabata presente pa Polis por a atende riba su actitud di a dale e señora y menaze riba dje cu morto.

SACO PROME, Y PODISE E PUEBLO!!

